

۱ ۳ ۳ . ۴ ۴ ۵ ۶

اتبعون اهدكم سبيل الرشاد

صاحب و مدیر مسئول : ع . اشرف ادیب

طرفین استحضار ایداش اولان قانون لایحه‌لری بز ظن ایتیمز که اکثریتله فرصت تطبیق بوله بیاسونلر . مجلس مبعوثان انجمنلرنده شمعیه قدر تدقیق ایدلش اولان لوائح قانونیه نك بر چوغی ده کوشه نسیانندن قورتیلوب چیقمه موفق اولورسه نه موطلو ! یکی ناظرلر یکی قانونلر یاپارلر . آنلرده تدقیقه قریب ایدرلرکن ینه بر بحران چیقار . ملک و ملتده حال خرابی ده بکلر .

§

دروغ زوروردن احبادن بر ذات بزه لوندرده منتشر تایمس بردها غرتنه سندن ترجمه اولمش بر فقره کوستردی . بو

فقره تایمسک و یانه مخابری طرفندن کوندلرلش بز تاغرافسامه دن مستخر جدی . مخابر مومی الیه ده بونده سردا یلدیکی افکاری و یانه ده چیقان « الکماینه جایتونخ » نام جریده نك استانبول مخابرندن آلدینی حوادثه عطف ایلشدر .

حکومت عثمانیه نك عقد صاحب ایلده چکی حوادثنک کچلرده بتغازی ده ایتالیا نلر طرفندن اشاعه اولمش اوزرینه مجاهدلرک دشمنی دفع ایدنجیه قدر حربه دوام ایلک عزم قطع یسندن بولندقلرینی مجاهد عالی هم انور بکک استانبوله بیلدیردیکی ایشیدلش ایدی . عالم عثمانیت واسلامیتک بدخواه لری بو عزم مردانه مجاهدینی دخی سوء تأویله اوغرا تمشلر و بویه جه دولت عثمانیه نك ضررینه اوله رق بر صاحب عقد ایتدیرمک ایچون اورمکده اولدقلری فساد و نفاق دوزاقلرینه بر دوزاق ده علاوه ایلک ایستمشلردر .

کویا انور بک مجاهدین پیونده کسب ایلدیکی نفوذ و شهرتدن بالاستفاده بتغازی ده ادعای حکومت و خلافت ایده حکمشده حکومت عثمانیه عقد صاحب ایتسه بیله محاربه ده دوام عزم قطع یسندن بولنق ایستمشی آندن طولای ایش !

بور تزوردر که عقل سلیمی اولان هر مسلمان ماهیت باطله سنی یکنظرده آکلار و حقیقی اولان هر عثمانلی بو ادعای باطلی کمال نفرتله رد ایلر . کویا انور بکک بو فکری استانبول محافل رسمیه سنک بمضلرنده تلاشی موجب اولمشده صدر اسبق کامل پاشانک قوناغنده وقوعه کان بر اجتماعده بومسئله موضوع بحث ایدلش ! بز بو عجیب حوادثی تایمس غرتنه سنک ۱۶ تموز افرنجی تاریخیه نشر اولنان نسخه سندن محبزه نك ترجمه ایلدیکی فقره دن اوکره نیورز .

چ - ش - ز

وخیم کونلر

بحران حاضرک درجه و خامتی تعیین ایچون ایچنده بولندیغمز شرائط حاضرده سطحی بر نظر آتمق بیله کفایت ایدر . خارجاً بر دولت . نظام ایله محاربه ، داخلده مملکتنک قطعات مختلفه سنده اغتشاش و بیتون شوغوالله قارشی قویه بیله چک یکانه منتظم قوت اولان اوردوده کی آثار

تردد ... ایشته احوال حاضره مزک دهشت نمون خطوط اساسیه سی . بز شوخاللره طالب قلمش ایکن البته که اطرافری آلمش اولان دشمنلرکده حرص و طمع لری کسب شدت ایدیور . شیرازه حیاتی بوزولمقده اولدینی فرض ایدیلان بر دولته صوک تکمه آتمه نك تام صره می کلش اولدینی فکری البته که کسب قوت ایدر . بلغارستاندن ، یونانستاندن و سائر مملکتلردن کلن خبرلری مطالبه ایدکر . بلغارستان برانهماک مخصوص ایله بوراده کی جریان حوادثی تعقیب ایدیورمش و حوادث مذکورده نك تولید ایده بیله چکی وضعیتی قارشیلایمه یه حاضر لانیورمش . حتی بعض مفرط وطن پرور بلغارلر بلغارلر ناظرلرینک حیاتنه سوء قصد اجرا ایدرک بلغارستان حکومتی حال و وضعیت حاضرده دن استفاده ایدرک عثمانیلره اعلان حرب ایتدیرمه یه عزم ایتشد . انکاتره ، فرانسه و دیگر ممالکده کی بزه خیرخواه اولان مطبوعات ایسه شو بحران وخیمه نهایت ویرلمسنی برلسان نیاز و تضرع ایله بزه توصیه ایدیورلر . تهلکه یک یاقین ، یک آشکاردر . فقط مع التأسف ، بز تهلکه یه طوغرو کندی الیریمز ایله آتیلیورز . معقول نصیحتلری ، خیر هوا ، اخطارلری ایشیده چک و قبول ایده چک بزه نه قولاقلر ، نه ده دماغلر قالماش کی در .

حالبوکه بزدن بتون بشریتک تاریخک بکله دیک بومیدی ؟ ظن ایدیوردی که عالم اسلامک دهشت نمون سقوطی ایچنده هیچ اولمازسه مقام معلائی خلافتی حاوی بولنان عالم اسلامیتک صوک ملجاء و پناهی بولنان شو مملکت کندیته تودیع ایدلش اولان امانتی محافظه ایده چکدر . هیچ اولمازسه کره ارضده بردانه اسلام حکومتی کندی استقلال و شوکتی مدافعه و محافظه ایدرک کلمه اللهک سر بستانه جاری اولاجقنه صوک بر ماوا اولاجقدر .

فقط ایواه ! بوقدر ممالک واقوام اسلامیه نك سور و کلنمش اولدینی حفره معدومیت بزیده بر قوه جاذبه مدهشه ایله کندی آغوشنه چکرکی کوزوکیور . شو مملکتلرک استقلال و موجودیتلرینی عدم آباد نسیانه سوق ایتش اولان آثار و علائمک بزمده ایچمزده نمایان اولدینی متأسفانه و متألمانه بر حالده مشاهده ایتک مجبوریتنده بز . هنوز بر قاچ آی اول ایرانک و مراکشک حیاتنه قلم چکمش اولان حوادث بزده ده تکرر ایتیه باشلادی .

رجال دولت و زمامداران امور ایچنده عدم امتزاج ، افراد ملت آراسنده اختلاف ، تردد ، تشدت آرا .. ایشته مذکور علائم و آثارک باشیجه لری . اک قوی ، اک محکم حکومتلری و سلطنتلری بیه بیلمک ماهیت واستعدادینی حاوی اولان شو علائم و آثار بزم کی قوای مادیه و معنویه سی غیر منتظم ، اطراف حریص و منتقم دشمنلر ایله محاط بر دولت و ملت ایچون بتون معناسیله مهلکدر . بوقدر پریشانقلر ایچنده ، بوقدر تهلکه لر قارشیسندن بولنان بر دولت و ملت کندیسنی یا لکنز قیرلر ، کسبلمز بر اتحادله اداره ، منافع عمومیه نك ارادات و منافع شخصیه غالب اوله لری ایله مدافعه و محافظه

ایده بیلیر. ایران و مراکش بوقاعده اجتماعی به تبیین ایتمه دیلر. ارادات فردیه لر چار پشدی، افراد ملت یک دیگرینه قارشی چیقدی، هر کس کندی فکر و آمانده اصرار و عناد ایتدی؛ ایشته بالنتیجه استقلالیت و موجودیت ملیه لرینی غایب ایتدیلر.

کندیمزی آلداتیمه لم: بزده عینی تهلمکه قارشیسندمز. بونی هر بر عثمانلو، هر بر مسلمان کورمه ایدر، آکلامه لیدر. صایمش اولدیغمز طریق فلاکت انکیزده بر آزدها ایلری کیدرسهک امین اولام که خاک پاک وطنی معاذالله دشمن ایاقلری ایله چیکشمنش کوره جکمز. بزکندی کندمزله اوغراشیرکن ذاتاً عصرلردن بری معدومیتیمزی کندیلری ایچون بر هدف، بر آمال ایدمنش، عثمانلورک براقه جقلری خرابه لر اوزرنده کندی سعادت و سطوتلرینی تأسیس ایتک هوسی ایله یاشایان دشمنلرک اوزریمزه آتیلا جقلرنده اصلا شک و شبهه ایتیمه لم. شمدی به قدر شو دشمنلری حرب حاضرندن استفاده ایله اوزریمزه آتیلیمق جسارتندن محروم ایتدیرن عثمانلور ایچنده دوام ایتمکه اولان اتحاد و اتفاق ایدی. اکر معاذالله بوندن صوکره آرامزه صوقولمش اولان عدم امتزاج و اتفاق کسب شدت ایدرسه، اکر اردوی عثمانیده کی تردد و تزلزل دوام ایدرسه مذکور دشمنلرک وطن عثمانی به تجاوز ایده جکلرینه امین اولام.

بزم یکی تشکل ایتش اولان هیئت وکلادن و مجلس مبعوثاندن یکانه تمیائمز، یکانه استرحاماتمز کندی وضعیتلری، اعمال و حرکاتی ایله ملته بر نمونه، بر تمثال، بر رهبر اتحاد و اتفاق اوله لیدر. هیچ بر فرقه شخصی احتراصات و تمایلاتنه میدان ویرمیه رک بتون دقت و وقتلرینی یالکز مملکتی دوجار بولندیفی مشکلاتدن استخلاص جهته عطف و صرف ایتسونلر. بو کون فرقه لردن، تمایلات شخصیهدن زیاده احتیاجمز مملکتی دوشونمکدر. اونوتیمه لم که جمله من بلا استثنا غایت وخیم بر تهلمکه قارشیسندمز. اونوتیمه لم که تهلمکه نک عهده مزه وضع ایده جکی مسئولیت غایت آغیر و بیوکدر.

مسئله یالکز عثمانلوقله علاقه دار دکلدرد. بتون اسلامیته ده حاویدر. معاذاه بومملکتک باشنه بر فلاکت کلیرسه بتون اسلامیتی محو و نابود عد ایتک جائز اولاجقدر. آرتق عالم اسلامیتک، کلمه طیبه نک ملجاء و مأوایی بر یوزندن قالمش دیمکدر. بویله وخیم و عظیم بر مسئله قارشیسندمز فرقه و شخصی احتراصات ایله اوغراشق حقیقتاً کوچوکلاک اولور؛ وقار، تمکین، حیثیت و شرف اسلامییه ایله غیر متاسب اولور. درخاطر ایده لم که کچیرمکده اولدیغمز بحرانلردن ماتلر کندیلرینی یالکز بر فداکاری عمومی، بر اتحاد و اتفاق تامه واسطه سی ایله استخلاص ایده بیلیمشلدرد. بالعکس بو کبی فداکارلقره، اتحاد و اتفاقه عدم استعداد ابراز ایتش اولانلر محروم و نابود اولمشلدرد. ذاتاً خلیفه مسلمین و بناء علیه عالم اسلامیتک حفظ و مدافعه سی وظیفه سی ایله مکلف بولنان ذات ملک سمات شوخا و اوضاعی تقدیر بیوزمشلدرد. صدر اعظم پاشا حضرتلرینه خطاباً اصدار بیورمش

اولدقلری فرمان عالیلرنده بالخاصه: «افکار عمومیه نک تسکین و حضوری» لزومی اوزرنده اصرار ایتمشلدرد. خلیفه مسلمینک شو امر و اراده لرینه اتباعاً هیت وکلا و مجلس مبعوثانکد. شو حقیقتلری تقدیر ایده جکلرینه قویاً امینز. فرقه و تفرقه احتراصانلرخی دشمننه و تهلمکه به قارشی اولسون اونوته لم، یکدیگریمزه صاریله لم، اساس و روح دینز اولان اتحاد و اتفاقه رعایت ایده لم. بومناسبتله هم وطن و دولتی قورتارمش، هم ده کندیمز ایچون آتیده اوزون اوزادی به مناقشات و محاصماتده بولتمق اوزره عصرلر قازانمش اولورز. نفسمزه، حرصلیمزه بو آن تاریخی ده غالب کلیرسهک آتیده آنلرک انکشافی ایچون واسع بر میدان حاضرلامش اولورز. اکر تفرقه و اختلافده بر ذوق، بر حظ طویارسه ق بیله موقت بر زمان ایچون تفرقه و اختلاف فدن وازکچیم. والا دشمن بی امان کلیر، نه اتحادجی، نه استلاجی، نه حریت، نه ده استبداد طرفداری قویار و او وقت اختلاف و تفرقه ایچون بر ساحه بیله بولیمز. عثمانلور شوخالی کوزلری ایله کورمک ایستلرسه زنجیر اسارته گرفتار اولمش اولان مثلاً قفقاسیه ده، ایرانده کی دین قرداشلرینی زیارت ایتسونلر. بو کون بو ملعوب و منفور اختلافات نتیجه سی اوله رق ایرانه مسلط اولمش اولان روس قزاقلری هم حریت پرورلری، هم استبداد طرفدارانی بلا استثنا. یاقوب کسیدورلر، کیمسه به افتراق و اختلاف ایچون بیله فرصت ویرمیلر. عجبا بو قدر تجارب تاریخیه بزم ایچون بر درس عبرت و انتباه تشکیل ایتیمه جکمی؟

احمد اغایف

حیات اقوام اسلامیه

روسیه مسلمانلری

روسیه دن الهاله یازیلیور:

روس جغرافیونک قولنجه روسیه، شرقنده کونش طلوع ایله یکی آنده غربنده کیجه اولیور دینله جک قدر واسعدر. ولادیوستوق ایله فنلاندیا سواحل ارسندمه کی مسافه کره مصغه اوزرنده، بو مدعی تأیید ایدور؛ کره ارضک یدی ده برنی اشغال ایدن روسیه ممالک واسعه سند روس مناجنه نظراً مختلف الاجناس ملل واقوام موجوددر.

۸۱ قدر تعداد اولنان بوجنسلردن منقرض، فیلی منقطع اولقی درجه سنده کلش اولان قوم «هاپوط» قومیدر. شمدی بوقومدن روسلر اره سند انجق برقاق خانه قالمشدر. مرکز فعالیتی تفلیس شهرنده بولنان «انجمن فن» بوقومک متکلم اولدینی لغتی السنه متداوله ایله بوالسنه نک شعبانلردن اولان هیچ برلهجه و شیوه ده بولامیور. سنایه «دیفنو»، خدایه «مفقو» بابایه «تریفقو» دیدکاری اکلاشیلان بو بر آووج ملنک لغاتی هنوز تتبع اولنه مدینی ایچون هانکی عرق بشره منسوب اولدنلری بللی دکلدرد. خلاصه کلام بوقدر مختلف الاجناس انوای زیر اداره سند بولند بر مقده اولان روسیه ده مسلمانلر روسلردن صکره عدداً ایکنجی درجه ده کلور. روسلر (مالوروس - ولیقوروس) «بیوک و کوچک روس» لر داخل اولدینی حالده ۶۰ - ۷۰